



SANCTIOR CÆLITVM ANNVS

# ORATIO

HABITA AD SS. D. N.

CLEMENTEM X.  
PONT. MAX.

In Sacello Pontificum Quirinali

Ipfa Sanctorum omnium die

ANNO IVBILÆI M.DC.LXXV.

A FRANCISCO RV DOLPHO SCHLIDERER  
à Lachen Cath. Eccl. Eyßettenſſs Canonico Collegij  
Germanici, & Vngarici in Vrbe Alumno.

34-10-F-12-



R O M Æ,

---

Typis Hæredum Corbelletti. M.DC.LXXV.

SVPERIORVM PERMISSV.

1. The first step is to identify the problem or question that needs to be answered. This involves understanding the context and the specific requirements of the task.

9  
6  
EMINENTISS. AC REVERENDISS. PRINCIPI

# CAESARI FACHENETTO S. R. E. CARDINALI

FRANCISCVS RVDOLPHVS SCHLIDERER A LACHEN  
*Felicitatem.*



ABITAM à me nuper in Pontificio Sacello de Cœlitibus omnibus orationem eo præsertim consilio in lucem edo, Princeps Eminentissime, ut fortiri possim huiusce nuncupationis honorem, ad quam & eximie prærogatiuæ Tuæ me inuitant, & quibus Tibi obstringor, arctissima nomina me vtrò compellunt. Cæleste orationis argumentum amat auspicia Religiosissimi Principis, quique singulari cultu Diuinitatis, illibato morum candore, publicæ salutis flagrantissimo studio, alijsque dotibus heroicis, omnium scim incendit, ut magni Patris sui Innocentij Noni imperia Christiano iterum Orbi aliquando affulgeant. Eruditum, porro munusculum non ingratum accidet Illi, qui omnigena sapientia, insigni facundia, & elegantia, & humana, Diuinaque doctrina, quam

in ingeniosis sæpe certaminibus præfert ex tēpore;  
omnium admirationem laceffit. At suauitas Cle-  
mentissimæ Indolis Tuæ, quæ munificam mihi  
tutelam tam profusè perpetuò indulsit, quale-  
cumque hoc à me ingenij uestigal extorquet?  
Quod illud fuit humanitatis prodigium, cum  
regalis Purpuræ splendore honestare voluisti The-  
ses, quas Eystetensium Principi, & Præsuli con-  
secraueram? Et eximij Germaniæ Sideris vices  
obire claritudine Tua, dum nostrę ingenij pugna  
adfuisti, instaurato portento, quo Sol facem ali-  
quando prætulit victoriæ Iosues, cui debuisset stel-  
larum exercitus interesse? Qua verò sedulitate be-  
nignissimi patrocini nostri semper compendio  
in Romana Curia consuluit auctoritas, qua su-  
mma polles, Eminentissime Princeps, à qua in  
posterum etiam sperare audeo meum omne præ-  
sidium, & decus? Vale, & Christianæ Reipublicæ  
bono diutissimè viuere.



# ORATIO



I à Sanctioris, qua in praesentia mortales fruimur, Anni felicitate, Beatissime Pater, aliquam insoliti gaudij lucem erumpere Caelitibus affirmet, nimis ad audendum proiecta videri possit oratio. A quo enim laetitiae fonte insolitam Iubilæi anno haurire voluntatem possint, qui perpetuo innant oceano gaudiorum? Quod praeteris Sanctum & innocens ijs tempus recurat, quibus immortalem integritatis laudem adeptis clarior innocentia praestari nequeat? Qui veniae atque indulgentiae dies illis affulgeant, qui culpam, qua nulla inquinantur, nequeunt amoliri? At certe ad innuendam hac ipsorum triumpho consecrata luce Sanctorum beatitatem conferri aliquid possit: arbitror, si novum ab ipsis nunc agitari gaudium argumentis euicero, simulque ostendero, quam ingentem gratiam Caelitibus debeamus, qui suam quodammodo arbitrantur hominum meliorem nunc ad frugem resipiscentium faustitatem. Et primò quidem licet nulla Caelitum laetitiae vera possit ægritudo intercedere, an non amarum lacrymis Angeli pacis dicuntur de mortuo domino parentasse? Cur ergo quæ illatas Iustitiae Soli à mortalibus iniurias atrata nubibus, rorantia lacrymis beatissima Sidera protequuta sunt, eadem quodam, ut ita dicam, insolito fulgure

gure risus perstringi nequeant, dum ab hominibus maior nunc Diuinitati cultus exhibetur? Ex communi sapientissimorum hominum sententia, cum à Christi Vicario supremi sanctitatis honores Cælestibus Heroibus decernuntur, insolitus ipsis lætitiæ splendor oboritur, ac stillæ quodammodo adduntur deliciarum mari. Si ergo noua iucunditate pascitur animus Beatorum, dum maior ipsis ab hominibus honor defertur, quis amplecti verbis possit, quæ gaudia Sanctissimus hic Annus inuehat Coelo, quo redeuntibus ad cor innumeris mortalibus ipsius Dei, cuius laudem præ sua Diui flagrantissime ambiunt, mirifice honor augetur? Sed omnem nobis temeritatis suspensionem adimit Sapientiæ, Diuinæ suffragium, quæ insolita quadam hilaritate identidem conspergi Cælites docet, gaudium affirmans in Coelo fore super vno peccatore penitentiam agente. An non igitur insolita nunc lætitiæ regnum illud beatissimum efferatur, cum ferè omnes Christi nomini addicti mortales criminibus suis succensent? Nequè verò Radijs illis veri Iustitiæ Solis, Riuis ingentis fluij, ex Dei sede manantis, Seruatoris Christi Vitis Palmitibus, Beatis, inquam, Coeli ciuibus, aptari nequeant ea, quæ Sancto Mortalium Anno tribuuntur; ut videlicet captiui soluantur, indulgeatur æs, quo alieno grauantur, vberiores ijs fructus terra suppeditet. Quidni enim hæc Cælitibus communia videri possint, qui licet immortalis libertate donati sint, ob amorem tamen, quo nostræ pugnantis Ecclesiæ triumphans penitus immisceatur, solui quodammodo sibi videntur à vinculis, quibus nos ipsi olim obstringebamur: sua deleri nomina putant, dum delentur nostratibus ornari fructibus suæ cælestiū deliciarum hortum arbitrantur, dū ijsdem nos vberius locupletamur. Qui plausus ab vniuerso Cœlitum Concilio datur, dum recluso æario illo ditissimo, in nos Reparatoris Christi, Deipare, ac Diuorum omnium promerita copiosè redundant! Quæ gaudia proueniunt munificentissimi.

200  
68

tissimis illis Regibus , dum comparato ab ipsis auro coronas nobis effingi , quæsitis plurimo ipsorum labore margaritis nobis ornari chlamydes intuentur ! Gliscunt lætitia virgines , dum ipsarum nos candor illustrat : explent animum iucunditate fortissimi fidei testes , dum effusi ab ipsis purpura sanguinis deeoramur : lætior ex nostra felicitate vniuersæ Coelitum curiæ dies illucet . Quot nominibus maximis illis Principibus obstringimur , quos non modò iu summa sua beatitate nostri non cæpit obliuio ( quemadmodum amicorum memoria ijs solet excidere , quos supra communem sortem euehit fortuna mortalitatis ) sed etiam nostram vsquè adeò sitiunt felicitatem , vt ex ipsa lætitiæ apicem quemdam ipsorum videantur gaudia præstolari . Quin igitur quæ nunc maximè Cælestis Hierosolymæ Colonia censeripotest sanctior Roma , omni studio satagit , vt sedulo cultu virtutis , & sanctitatis , illius Regiæ gaudio eumulum addat , cui se deinde sociam inferre ambit ? Tu verò B. P. summum animi gaudium vsurpa , eò quòd Auctor cum fueris , & porrò futurus sis , Cælitibus plurimis suauitatis illius , quæ ab ipsis relatis in album Beatorum exoritur , nunc omnium gaudio plurimum confers , dum sanctissimè celebras Annum Piacularem , qui noua cælestes Heroes iucunditate perfundit .

F I N I S .











